

6 февраля 2026.

Блаженная Ксения Петербургская

Великая Вечерня (приходская)

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Аминь.

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Своё, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытятся земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень прибежище зайцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающи, восхитити и взыскати от Бога пищу себе. Возсия солнце и обратася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже

несть числа, живóтная мáлая с великими, тамо кораблi преплáвают, змий сей, егóже создáл еси ругáтися емú. Вся к Тебé чáют, дáти пiщу им во блáго врéмя. Дáвшу Тебé им соберúт, отвéрзшу Тебé рúку всяческая испóлнятся блáгости, отврáщшу же Тебé лицé, возмáтýтся, отъймеши дух их, и исчéзнут, и в персть свою возвратя́тся. Пóслеши Дúха Твоегó, и созiждутся, и обновiши лицé землi. Бúди слáва Госпóдня во вéки, возвеселiтся Госпóдь о дéлех Своих, призира́яй на зéмлю, и творя́й ю́ трястiся, прикасáяйся горáм, и дымя́тся. Воспою́ Гóсподеви в животé моём, пою́ Бóгу моему́, дóндеже есмь, да усладiтся Емú беседа моя, аз же возвеселю́ся о Гóсподе. Да исчéзнут грéшницы от землi, и беззакóнницы, я́коже не бы́ти им. Благословi, душé моя, Гóспода.

Сóлнце познá за́пад свой. Положил еси́ тму, и бысть ночь. Я́ко возвеличишася делá Твоя́, Гóсподи, вся премúдростию сотворил еси́.

Слáва Отцú и Сýну и Святому́ Дúху, и ны́не и прiсно и во вéки векóв. Амiнь.

Аллилу́иа, аллилу́иа, аллилу́иа, слáва Тебé Бóже *(Трижды)*.

Ектения великая

Диакон: Мiром Гóсподу помóлимся.

Лик: Гóсподи, помiлуй *(на каждое прошение)*.

Диакон: О свýшнем мiре и спасéнии душ нáших, Гóсподу помóлимся

и прошения по чину.

Диакон: Пресвятую, Пречiстую, Преблагословéнную, Слáвную Владычицу нáшу Богородицу и Приснодéву Марию со все́ми святы́ми помяну́вше, сáми себé и друг дрúга, и весь живóт наш Христú Бóгу предадiм.

Лик: Тебé, Гóсподи.

Священник: Я́ко подобáет Тебé всякая слáва, честь и поклонéние, Отцú, и Сýну, и Святому́ Дúху, ны́не и прiсно, и во вéки векóв.

Лик: Амiнь.

1 антифон 1 кафизмы («Блажен муж»)

Блажéн муж, iже не iде на совет нечестiвых. Аллилу́иа *(трижды)*.

Я́ко весть Госпóдь путь прáведных, и путь нечестiвых погiбнет. Аллилу́иа *(трижды)*.

Работайте Господеви со страхом и радуйтесь Ему с трепетом. Аллилуия **(трижды)**.

Блажени вси надеющиися Нань. Аллилуия **(трижды)**.

Воскресни, Господи, спаси мя, Боже мой. Аллилуия **(трижды)**.

Господне есть спасение и на людех Твоих благословение Твое. Аллилуия **(трижды)**.

Слава Отцу и Сыну и Святому Духу, и ныне и присно и во веки веков. Аминь. Аллилуия **(трижды)**.

Аллилуиа, аллилуиа, аллилуиа. Слава Тебе, Боже. **(Трижды)**.

Ектения малая

Диакон: Паки и паки, миром Господу помóлимся.

Лик: Гóсподи, помíлуй.

Заступи, спаси, помíлуй и сохрани нас, Бóже, Твоею благодáтию.

Лик: Гóсподи, помíлуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянуvше, сами себе и друг друга, и весь живот наш Христу Богу предадим.

Лик: Тебé, Гóсподи.

Священник: Яко Твоя держава, и Твое есть цáрство, и сила, и слава, Отца и Сына и Святаго Духа, ныне, и присно, и во веки веков.

Лик: Амíнь.

Стихиры на «Господи, воззвах»

Канонарх: Глас 8, Гóсподи, воззвах к Тебé, услыши мя.

Гóсподи, воззвах к Тебé, услыши мя./ Услыши мя, Гóсподи. Гóсподи, воззвах к Тебé, услыши мя:/ вонми гласу мо-

лѣнія моего, / внигда́ воззвати ми к Тебѣ.// Услыши мя,
Господи.

Да исправится молитва моя, / яко кадило пред Тобою, /
воздеяние рукъ мою / – жертва вечерняя.// Услыши мя,
Господи.

блж. Ксении Петербургской на 6

На 6, стих: Аще беззакония назириши, Господи, Господи, кто постоит? /
Яко у Тебѣ очищение есть.

Блаженная Ксѣние богомудрая, / чистая твоя душа, / пра-
вовѣрным смыслом сияючи / и облистяючи добродѣ-
телей свѣтлостями, / озаряет вѣрных исполненіе, / бе-
совскую тьму отгоняючи. / Темже ты, яко причастицу / не-
вечерняя благодати, // ублажаем благочестно вси, досто-
чудная.

Стих: Имене ради Твоего потерпѣх Тя, Господи, потерпѣ душа моя в
слово Твое /

упова́ душа моя на Господа.

Блаженная Ксѣние богомудрая, / чистая твоя душа, / пра-
вовѣрным смыслом сияючи / и облистяючи добродѣ-
телей свѣтлостями, / озаряет вѣрных исполненіе, / бе-
совскую тьму отгоняючи. / Темже ты, яко причастицу / не-
вечерняя благодати, // ублажаем благочестно вси, досто-
чудная.

На 4, стих: От стражи утренняя до но́щи, от стражи утренняя, /
да упова́ет Израиль на Господа.

Блаженная ма́ти, / основание положивши добродѣтели, /
древняго человека с похотью́ совлѣкшися, / во Христа́

облеклася еси воистину./ Тѣмже и победила еси/ многая
вражия ополчѣния,/ наставница была еси многим людем/
града святаго Петра,// Ксѣние достохвальная.

Стух: Яко у Господа милость, и многое у Него избавление,
и Той избавит Израиля от всех беззаконий его.

Блаженная мати,/ основание положивши добродетели,
древняго человека с похотью совлѣкшися,/ во Христа
облеклася еси воистину./ Тѣмже и победила еси/ многая
вражия ополчѣния,/ наставница была еси многим людем/
града святаго Петра,// Ксѣние достохвальная.

На 2, стух: Хвалите Господа вси языцы, /
похвалите Его вси людие.

Богородным житием укрепляющися,/ страсти плотскія/
от души отгнала еси,/ угоднице Христова,/ темже к Бо-
жественной жизни представилася еси/ и с лики праведных
водворяешися./ Сего ради почитаем тя священными пес-
нями/ и радостно восхваляем,// Ксѣние всеблаженная.

Стух: Яко утвердися милость Его на нас, /
и истина Господня пребывает во век.

Богородным житием укрепляющися,/ страсти плотскія/
от души отгнала еси,/ угоднице Христова,/ темже к Бо-
жественной жизни представилася еси/ и с лики праведных
водворяешися./ Сего ради почитаем тя священными пес-
нями/ и радостно восхваляем,// Ксѣние всеблаженная.

Слава , глас 6.

Слава Отцу, и Сыну, и Святому Духу.

Кто не удивится,/ кто не прославит,/ кто не воспоёт во Христѣ мудрое и преславное житиѣ твоѣ,/ мати Ксѣние,/ яко и по святѣм преставлѣнии твоѣм/ подаѣши притекающим вѣрою врачевание богатное./ Тѣмже воспеваем Благодарителя Бѳга,/ явившаго тя, блаженную,// ко исцелѣнию душ и телѣс наших.

И ныне, глас 6:

И ныне, и присно, и во вѣки векѳв. Амѣнь.

Кто Тебѣ не ублажит, Пресвятая Дѣво? / кто ли не воспоёт Твоего Пречистаго Рождества? / безлѣтно бо от Отца возсиявый Сын Единородный, / Тойже от Тебѣ, Чистыя, прѳйде, / неизреченно воплощся: / естеством Бог Сый / и естеством быв Человѣк нас ради; / не во двою лицу разделяемый, / но во двою естеству / неслѣтно познаваемый. / Того моли, Чистая Всеблаженная, // помилватися душам нашим.

Вечерняя песнь Сыну Божию

Свете Тѣхий святѣя славы,/ Безсмертнаго, Отца Небеснаго,/ Святаго Блаженнаго, Иисусе Христѣ./ Пришедше на запад солнца,/ видевше свет вечерний,/ поѣм Отца, Сына и Святаго Духа, Бѳга./ Достѳин еси во вся времена/ пѣт бѣти гласы преподѳбными,/ Сыне Бѳжий, живѳт дай,// тѣмже мир Тя славит.

Диакон: Вѳнмем.

Священник: Мир всем.

Лик: И дѣхови твоѣму.

Прокимен

В четверток вечера, глас 6:

Диакон: Премудрость. Воннем. Прокимен, глас 6.

Помощь моя от Господа, / сотворшаго небо и землю.

Лик: Помощь моя от Господа, сотворшаго небо и землю.

Диакон: Возведох очи мои в горы, отнюдуже придет помощь моя.

Лик: Помощь моя от Господа, сотворшаго небо и землю.

Диакон: Помощь моя от Господа

Лик: Сотворшаго небо и землю.

В черверг вечера. Глас 6

По-мощь моя от Госпо - да, со-тво-рша-го не - бо и зем - лю.

Чтение паремий

Диакон: Премудрость.

Чтец: Премудрости Соломо́ни чтéние

Диакон: Воннем.

Праведных души в руке Божией, / и не прикоснется их мука. / Непщевани быша во очесах безумных умерети, / и вменися озлобление исход их. / И еже от нас шествование сокрушение, / он же суть в мире. / Ибо пред лицом человеческим аще и муку примут, / упование их безсмертия исполнено. / И в мале наказани бывше, / великими благодетельствовани будут, / яко Бог искуси я / и обрете их достойны Себе. / Яко злато в горниле, искуси их / и, яко всеплодие жертвенное, прият я. / И во время посещения их возсияют / и, яко искры по стоблию, потекут. / Судят языком и обладают людми, / и воцарится Господь в них во веки. / Надеющиеся на Нь разумют истину / и вернии в любви пребудут Ему, / яко благодать и милость в преподобных Его / и посещение во избранных Его.

Диакон: Премудрость.

Чтец: Премудрости Соломо́новы чтéние

Диакон: Воннем.

Праведницы во веки живут, и в Господе мзда их, и попечение их у Вышняго. Сего ради примут Царствие благолепия и венец доброты от руки Господни, зане десницею покрывает я и мышцею защитит их. Приимет всеоружие рвение Своёи вооружит тварь в месть врагом. Облечётся в броня правды и возложит шлем, суд нелицемерен. Приимет щит непобедимый, преподобие. Поострит же напрасный гнев во оружие; споборет же с ним мир на безумных. Пойдут праволучныя стрелы молниины и, яко от благокругла лука облаков, на намерение полетят. И от каменометных ярости исполнь падут грады, вознегодует на них вода морская, реки же потопят я нагло. Спротив станет им дух силы и, яко вихор, развеет их и опустошит всю землю беззаконие, и злодейство превратит престолы сильных. Слышите убо, царие, и разумейте, навыкните судий концев земли. Внушите, держащие множества и гордящиеся о народах языков, яко дана есть от Господа держава вам и сила от Вышняго.

Диакон: Премудрость.

Чтец: Премудрости Соломоновы чтение

Диакон: Вонмем.

Праведник, аще постигнет скончаться, в покои будет: старость бо честна не многолетна, ниже в числе лет исчитается. Седина же есть мудрость человеком, и возраст старости житие нескверно. Благоугоден Богу быв, возлюблен бысть, и живый посреде грешник представлен бысть, восхищен бысть, да не злоба изменит разума его или леть прельстит душу его. Рачение бо злобы помрачает добрая и парение похоти пременяет ум незлобив. Скончався в мале, исполни лета долга, угодна бо бе Господеви душа его, сего ради потщася от среды лукавствия. Люди же видевше и не разумевше, ниже положивше в помышлении таково, яко благодать и милость в преподобных Его и посещение во избранных Его.

Сугубая ектения

Диакон: Рцем вси от всея души, и от всего помышления нашего рцем.

Лик: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Лик: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй **(трижды)**. **(на каждое прошение)**

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Молитва при наступлении вечера

Лик: Сподоби, Господи, в вечер сей без грехá сохранити-ся нам./ Благословен еси, Господи Бóже отец наших,/ и хвально и прославлено имя Твое во веки, аминь./

Буди, Господи, милость Твоя на нас, якоже уповахом на Тя./ Благословен еси, Господи, научи мя оправданием Твоим./ Благословен еси, Владыко, вразуми мя оправданием Твоим./ Благословен еси, Святыи, просвети мя оправдании Твоими./

Господи, милость Твоя во век, дел руку Твоею не презри./ Тебе подобает хвала. Тебе подобает пение,/ Тебе слава подобает, Отцу и Сыну и Святому Духу, // ныне и присно и во веки веков. Аминь.

Ектения просительная

Диакон: Исполним вечернюю молитву нашу Господеви.

Лик: Господи, помилуй. *(на каждое прошение)*

Диакон: Вечера всего совершенна, свята, мирна и безгрешна у Господа просим.

Лик: Подай, Господи. *(на каждое прошение)*

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

Священник: Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

Лик: Амѣнь.

Стихиры на стиховне

блж. Ксении Петербургской

Канонарх: Глас 6, Житиѣ твоѣ, яко со́лнце.

Житиѣ твоѣ, яко со́лнце,/ сердца́ вѣрных озари́/ и мно́гия
к покая́нью приведе́,/ те́мже и нас свѣтом невечѣрным
просвети́,/ Ксѣние святая́, // всечестну́ю твою́ па́мь по-
чита́ющих.

Стих: Пра́ведницы во вѣки живу́т. /

и в Го́споде мзда их.

Досто́йне хва́лима еси́ на земли́,/ целительнице недуж-
ных, богоблаже́нная Ксѣние,/ яко и по кончи́не твоѣй
усер́дно к тебѣ прибега́ющия/ от недугъ свобожда́еши./
Те́мже непреста́нно моли́ // спасти́ся душа́м на́шим.

Стих: Блаже́н муж, боя́йся Го́спода. /

в за́поведех Его́ восхо́щет зело́.

Немо́щна су́щи, сла́вная,/ си́лою Бо́жиею ко́зни вра́жия
победи́ла еси́,/ страна́ну проходя́щи жизни́/ и стра́сти
телѣсныя умертви́вши,/ ны́не на Небесѣх живѣши, // иде́же
обрела́ еси́ и́стинное жили́ще, Ксѣние богому́драя.

Слава, глас 4:

Сла́ва Отцу́, и Сы́ну, и Свято́му Ду́ху

А́нгельское житиѣ на земли́ явила́ еси́,/ Ксѣние всебла-
же́нная,/ исто́чнице умилѣния, ми́лости течѣние,/ пучи́но
чудѣс, струѣ исцелѣний,/ ма́слино Бо́жия вои́стину плодо-
вита́,/ елее́м трудо́в твои́х просвѣща́ющая вѣрно хва́ля-
щих тя./ Моли́ Человеколю́бца от бед изба́вити // лю-
бо́вию чту́щих всечестну́ю па́мь твою́.

И ныне, глас 4:

и ныне, и присно, и во веки веков. Аминь.

Теплое заступление сущим в бедах/ и Помощницу нашу,/ Еюже от тли избавимся,// Богородицу, вернии, всеусердно ублажаем.

Молитва святого Симеона Богоприимца

Лик: Ныне отпускаеши раба Твоего, Владыко,/ по глаголу Твоему с миром:/ яко видеста очи мои спасение Твое,/ еже еси уготовал пред лицом всех людей,/ свет во откровение языков,// и славу людей Твоих Израиля.

Чтец: Святыи Боже, Святыи Крепкий, Святыи Безсмертный, помилуй нас (*трижды*).

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй (*трижды*).

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Лик: Аминь.

Тропари

Тропарь блж. Ксении Петербургской, глас 7

Глас 7: Нищету́ Христо́ву возлюб́ивши,/ безсмёртныя трапéзы ны́не наслажда́ешься,/ безу́мием мн́мым безу́мие м́ра облич́ивши,/ смире́нием кр́стным síлу Бóжию восприя́ла еси́,/ сего́ ра́ди дар чудодéйственныя по́мощи стяжа́вшая,/ Ксе́ние блаже́нная, моли́ Христа́ Бóга// изба́виться нам от всякаго зла покая́нием.

Сла́ва Отцу́, и Сы́ну, и Свято́му Ду́ху, и ны́не, и пр́сно, и во ве́ки веко́в. Ами́нь.

Глас 7: Я́ко на́шего воскресéния сокрови́ще, / на Тя наде́ющияся, Всеπέтая, / от ро́ва и глубины́ прегрешéний возведи́, / Ты бо повинны́я греху́ спасла́ еси́, / рóждшая Спасéние на́ше: / Я́же прéжде рожде́ства Дéва, и в рожде́стве Дéва, // и по рожде́стве па́ки пребыва́еши Дéва.

Диакон: Премудрость.

Лик: Благослови́.

Священник: Сый благословéн Христо́с Бог наш, всегда́, ны́не и пр́сно и во ве́ки веко́в.

Лик: Ами́нь. Утверди́, Бóже,/ святу́ю правосла́вную ве́ру, правосла́вных христиа́н/ во век ве́ка.

Священник: Пресвятáя Богороди́це, спаси́ нас.

Лик: Честне́йшую Херув́им и сла́внейшую без сравне́ния Сераф́им, без ислéния Бóга Сло́ва рóждшую, сущую́ Богороди́цу Тя велича́ем.

Священник: Сла́ва Тебе́, Христé Бóже, упова́ние на́ше, сла́ва Тебе́.

Лик: Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь. Го́споди, поми́луй *(трижды)*.
Благослови́. (илиВлыдыко, благослови)

Священник глаголет Отпуст

Христосъ Истинный Бог наш, моли́твами Пречи́стыя Своея́ Ма́тере, блж. Ксе́нии Петербургской, и всехъ святы́х, поми́луе и спасе́т нас, яко Благ и Человеколю́бец.

Многолетие

Лик: Вели́каго господѣна и отца́ на́шего Кири́лла,/ Святѣ́йшаго Патриа́рха Моско́вскаго и всея́ Ру́си,/ богохра́нимую страну́ на́шу Росси́йскую,/ настоя́теля, бра́тию и прихо́жан свята́го хра́ма сегó,/ и вся правосла́вныя христиа́ны,/ Го́споди, сохрани́ их на мно́гая ле́та.